


BAHEBRAYO, CHIPATI CABILI ¹

 ...?...kali okuno mu kkilasi nkabela wakabotelwa i... [Kabeela katakwecintu aa teepu—Mul.] Elyo lino Bbuku taanzi lya Bahebrayo, ngu Paulo, twa kajana, na tula syoma. Basilwiiyo lwabukombi bali kumamanino; ta bazi buyo kuti nguni, na oyo waka Li lembe. Pele, Ndila syoma, uli oonse ujisi kutweluka kuniini kwa kumuuya inga wabona kuti wa kali Paulo. Kula—kula syomwa, ku balembi banji, kuba Paulo. Alimwi obo kuti i. . .

² Mu Chipati 1, twa kajana kuti kwakali kusumpula Mwami Jesu. Oh, obo mbwa kaleta ansi, kutondezwa ku—ku luzibo ndwa kajisi mu lweendo lwakwe kuya ku Damasiko. Lino, Paulo wakali, ku kutalika, silwiiyo wini lwabukombi. Paulo waka yisigwa kungsi lya Gamaliyeli, umwi wa bamaiyi bakali kwindi ku buzuba obo. Alimwi wa kali musongo a mupampu, a sicikolo mupati mucenjezu nconzo wa Bbaibbele.

³ Elyo Nda kajana ceeci, cindi nakali mu lweendo lwakwe kuya ku Damasiko, a magwalo mu nkomo yakwe, kuyo anga boonse abo bakali mu nzila ya Makanimabotu akaindi alelekedwe, nkabela mwaalumi wakali sinizizye. Pele, Nda kasyoma lyoonse kuti mbokunga Paulo wakabona Stefano kafwa, Ndi yeeya kuti kweelede kuti cakasika ncobeni kutobela nguwe. Cindi na kazumizya ku lufu lwa Stefano, a kujata mabbaki abaabo baka muuma mabwe, mpawo Paulo waka jisi mulandu ku bulowa bwa Stefano. Elyo wa kazumina, elyo kati, “Ta ndeeleli akwalo,” kati, “nkaambo Nda katila bulowa bwa Wakwe—bwa Wakwe, sikufwida bukombi, Stefano.” Nkaambo, wa kapeda bumboni kuli nkuko.

⁴ Elyo ikuti na wapeda bumboni ku cintu cili conse, uli jisi mulandu mbubonya mbuli sicaabilo wa ncico. Aboobo ikuti na twa peda bumboni, kwaamba, “Oh, iiyi, tiiba keelede kucita ceeci, eci *boobu-a-boobu*,” kocenjela eco ncoamba, nkaambo ujisi mulandu nzila lubeta lwako mbo lweenda. Ikuti na tokonzyi kusala, utaambi cintu, kocisiya buyo cilikke. Mpawo cindi wapa bumboni kuti uli Munakristo, nkokuti ujisi mulandu. Mwabona? Yebo ujisi mulandu wakuba Munakristo, alimwi weelede kupona kuli ceeco. Elyo cindi Leza apanga ii—ii Cisyomezyo mu Bbaibbele. . . Nda bona muntu awa mu whiluceya. Cindi Leza apanga Cisyomezyo, Uli jisi mulandu ku Cisyomezyo eco citakuti Wa Ci leta kucitika. Leza uli jisi mulandu cindi Walo apanga Cisyomezyo. A Magwalo ali jisi mulandu kusikila Alo azulila. Mwabona? Ali—Ali waalya ncobeni mbuli ii—mbuli kaambo Leza nka kaamba. Elyo Ale elede kuzulila nape Leza ujisi mulandu. Mwabona?

⁵ Elyo aboobo Paulo, mukuba mwiiyi, alimwi kaboola mu lweendo lwakwe kuselemukila ku Damasiko buzuba obo, kutandila, ambali kutandila ciindi cakalangabwaaseme, Nda yeeyela. Kwakali Mumuni mupati wakamweka kuzwa ku Majulu, nkabela Wa kamofwaazyza, nkambo wa—wa kawida aansii. Elyo wa kati wa kali kuyanda kuziba na Wa kalini. Wa kati Jwi lya kanana, nkabela wa kati, “Saulo, Saulo, nkaambonzi nco Ndi penzya?” Ndila syoma nchipati ca 8 ica Incito.

Elyo wa kati, “Nguni Oyo Ngwe penzya?”

⁶ Elyo Jwi lya kavwiila, a kuti, “Ndime Jesu.” Oh! “Ndime Jesu, nkabela nciyumu kuli nduwe kuuma cibinzyo.” Elyo wakali Jesu uli buti kaindi? Jesu, Wa kali Mumuni, Mumuni buyo mupati kuumwekesya.

⁷ Lino ku tuyumya a kujana ntalisyo awa. Mbobuti Mbwa kali Mumuni, kakuli Wa kali Muntu? Lino, taakwe umwi . . .

Kwakali cikama ca basilumamba antomwe a Paulo, balindizi ba tempele, bakali kuselemuka kuya kwaanga. Paulo wakali silutwe mupati. Elyo bakali kuselemuka kuya kwanga bantu abo, nkambo ka miswangano yabo yanguzu azimwi, nkambo ka bulangizi bwa bukombi bwabo bwakali muli mbabo.

⁸ Pele, lino, ngooyu wakali Jesu mbuli Mumuni mupati. Lino, ikuti na mula yeeye, ku matalikilo, Jesu wakali Mumuni. Jesu wakali Logosi oyo wakazwa kuli Leza. Elyo Wa kali i . . . Wa Angelo wa Cipangano wakasololela bana ba Israyeli kwinda mu nkanda. Alimwi Wa kali Musumpululu wa Mulilo oyo ngoba kadunamina. Elyo Wa kali . . . Elyo cindi Na kali ano aanyika, Wa kati, “Nda kazwa kwa Leza, alimwi Ndi pilukila kuli Leza.” Aboobo ikuti na Wa kazwida ku Musumpululu wa Mulilo, kunjila mu Muntu, mpawo ikuti na Wa kapilukila oko Nkwa kabede Wa kapilukila ku Mumuni alubo. Elyo ngooyo Mbwa kabede cindi Paulo naka Mu bona, Wa kali Mumuni.

⁹ Lino, boonse abo basilumamba bakali a Paulo teeba kaubona Mumuni. Mpawo cila konzeka kuti omwe inga wa Ubona nkabela bamwi taba Uboni na? Nincobeni. Yaa. Walo, Paulo, waka Ubona, pele bamwi babo teeba kaubona Mumuni.

¹⁰ Lino, cindi Petro nakali mu ntolongo, tu jana kuti oyu Mumuni wakasika mu bakaangilidwe, wakajula milyango. Elyo wa kali . . . Oyo Mumuni wa kofwaazyza bamwi balindizi, mbuli mbo bakeanda kuzwa, Petro kaunka. Elyo cindi na kasika ku mulyango, waka lijula wini, cabuumuzi, akujala kusule lyakwe. Kuzwa muntolongo yamukati, wa kaunka ku mulyango waanze. Wa kalijula wini, akujala cabuumuzi. Elyo mpawo wa kaunka ku mwaakwe, kanjila mu kagwagwa ka munzi. Elyo wa kapuka meso akwe, mbuli kuti nkwaamba, “Sa Ndali kulota?” Ta kazi cakacitika. Pele, Angelo wa Mwami, Angelo nguwenya oyo wakali Musumpululu wa Mulilo wakeenzya Musa ku lwizi akulumwaya, oh, a Lwizi Lufwide . . . Lwizi Lusalala

Iwa kabamba malambo ku mabazu obilo, nkabela Israyeli ya kainda.

11 Elyo cindi niba kasika ku Jordano wakali kufuta, Ta kali tondezya Mwini cakuboneka okuya. Pele Wa kaliko, nkaambo Wa ka lujula. Elyo baka zabuka mu Mukubwekaangala, cindi mabanda onse nakazwide maanzi. Elyo Wa kakkazika butololo alimwi Wa kalesya caanda kweenzemuka, nkaambo tiwa kaba a malambo malamfu a malamfu loko; Iwa kaima buyo. Oyo ngu Jehova wesu. Oyo ngu Mwami wesu Jesu. Lwa kaima buyo; nkabela baka zabuka a nyika njumu.

12 Lino, Leza wakasyomezya kuti Wa kali kuyooba mamela, aboobo Wa kali sinikizidwe ku Cisyomezyo Cakwe. Lino, Paulo, muku pakamana ku zintu ezi, a kuziziba, wa kali acoolwe, nkaambo Leza wakali kukanana cigaminina kuli Paulo. Ta kali kwaambaula kuli basilumamba abo bakali anguwe. Wa kali kukanana biyo kuli Paulo.

13 Lino, cindi i—cindi Angelo wa Mwami nakaseluka ansi, mu ciwa ca nyenyeezi; elyo basikweembela nyenyeezi, bantu basongo baku India, cindi, niba kabona eyo Nyenyeezi a Kwi itobela kwa myaanda ya mamamile. Elyo Ya katanta ku masena akweembelela zyakujuulu onse, nkaambo bakali kubamba ciindi kubesya nyenyeenzi. Elyo taakwe umwi wa kabona Nyenyeezi cita bantu basongo. Oh, ma! Sa eco cila mubotelezya? [Mbunga yaamba, “Ameni.”—Mul.]

14 Mpawo, nywebo mwabona, Leza tableki a tubunga. Ta beleki a nkamu ya bantu. Ula beleka a bagame. Ula liyubununa Mwini ku bagame. Elyo lino—lino kwaamba ceeci, kutali eci. . . Leza uluuzi moyo wangu. Alimwi kutali kwaamba ceeci ku muntu lwakwe, kulumbaizya kwamuntu; lino, kuba buyo okuya. Pele, sa mwa kalizi, oyo Leza nguwenya, oyo Jeu nguwenya, uli andiswe cifumo cino? Sena mwa kalizi kuti, umwi aumwi uli jisi buniini, bumboni bwamugame lwa nguwo ndyoonya lino, kuti Mpali awa? Alimwi uli. . . Wa katucitila cintucimwi mu buzuba obuno eco Nca takacita mu mazuba ambi; Wa kalekela cifoto Cakwe kutolwa. Tuli Ci jisi kacilengelela mpoonya *alya*. Mwabona? I Musumpululu wa Mulilo, nguwenya Mwami Jesu.

15 Amungilile Mbwa beleka lino. Ikuti na Ngu Mwami Jesu nguwenya, Uya kucita zintu nzyoonya, nkambo Bbaibbele Iya kati, “Ngu mbobuca nguwenya, sunu, amuya myaaka.”

16 Lino, Paulo katana kwaambilizya cili conse, naa eci cakali luzi na cakali lubide, wa kasaanguna kuselemukila ku Egepita kuyo ziba kuti na cakali Camalembe na pe. Sena mwakasola kuziba boobo? Kumane kusanduka kwa Paulo, wa kaunka mu Egepita kwa myaka yotatwe. Mpaawo wa kakkala, alimwi nkookuya nkwa kaiya obu busongo bupati.

17 Lino, kutali mu kweezyanisya kuli konse, Ndi mupa buyo nzila Muuya Uusalala mboucili mbubonya. Lino, mbungano

yangu okuno ila ibaluka, myaka yakainda, cindi oyu Angelo naka libonya a kutondezya zintu. Nda ka Mu donaika aniini. Nyoonse mulizi obo, nywebo nobakaindi. Ikuti mwa... Ikuti na kuli luleme, tambika janza lyako, cindi noka mvwa. Inzya. Amulange mbungano, nekuba, kuzwa kuli bakaindi. Mwabona? Nda donaika, nkaambo bakambausi baka ndaambila kuti Wa kali dyabulosi. Elyo Nda kabaanga ndacisyoma, pele Nda kalindila. Nse kaamba cili conse kujatikizya Nguwo.

¹⁸ Pele, oh, lilelekewe Zina lya Mwami! Busiku bumwi, kutala, Wa kaseluka, Angelo, aku Li yubununa mu Magwalo, kuti Wa kali nguwe. Elyo cindi Ne ka Ubona mu Magwalo, mpawo koompolweda inyika yoonse a Nguwo, Mulumbe.

¹⁹ Kuzwa awo kwakaunka Oral Roberts, A. A. Allen, Tommy Osborn, Tommy Hicks, a bamwi bambi. Mwabona? Walo Mulumbe ku bantu.

²⁰ Elyo Jesu ngu mbobuca nguwenya sunu, amuya myaaka. Ngwa Malembe, Ngu mbobuca. Ula cita mbobuca. Ngu mbobuca. Alimwi Ula beleka mbobuca. Ula liyubununa Mwini mbobuca. Alimwi Mpali ano, cifumo cino, mbobuca. Lino inga twa Mu bona; kwayanda pe. Kufumbwa mbo cibede, tweeleda kupa bumboni ndyoonya lino kuti Mpali awa.

²¹ Lino, Tula jana lino kuti, Paulo, aa luzibo olu, akulemba magwalo, bunji bwa ngawo, kuzwa muntolongo, wa keezyanisya Cizuminano Cakale a Cipy. Lino amuyeeye, mulembi wamamanino wa Bbaibbele eli, ku bunanike, muli Leza wakaseleka aku mwaambila, “Ikuti na muntu umwi uya kuyungizya cili conse kuli Ndilyo na kugusya cili conse kuzwa kuli Ndilyo, mbubonya kuya kugusigwa cibeela kuzwa mu Bbuku lya Buumi, ca nguwe.” Aboobo inga tii twaba acamba cakuyungizya kuli Ndilyo. Oh, Lye elede kukkala mbuli mbo Li bede, ta kweeleda kuyungizya cili conse kuli Ndilyo. Alimwi tweeleda kulwanina zintuzyonse zili muli Ndilyo. Kwiindilila kumwi, alimwi Ta ndiyandi kumwi kusyoonto. Ndi yanda buyo eco Nco lyaamba.

²² Lino, eli Bbuku lya Bahebrayo, nkaambo Nce Li sala; bukanze bomwe, cintu comwe; olu lugwalo, “Oyandwa Mukwesu Branham,” abumwi bumbi. Elyo, Ndi—Ndi, tu yanda kukkala a Ijwi.

²³ Lino, chipati 1, cakali cakulemya Jesu, aboobo ngo Umwi mupati. Alimwi Paulo waka tuzibya, busiku bumwi, kuti Wa kali ku matalikilo mapati. Alimwi twa kajana kuti Ta kali umbi muniini kuli “Melikisedeki, Mwaami wa Salemu,” Mupati wa chipati ca 7.

²⁴ Elyo lino, cifumo eci, tula Mu langanya kuli bumbi—bumbi bulanganye, kuzwa ku chipati ca 2. Lino, Paulo nakamana kutupa oyu Mulumbe, mupati mubotu, wa kusumpula Jesu, “Elyo nobaba Baangelo bakacitwa ku Mu komba.” Elyo Ndi

yeeya kuti, abusena awa, mbuli nyika, obo mboili yakaindi: “Elyo Uya kwivunga mbuli cisani, pele bayo loba, pele Yebo ucinooliko.”

²⁵ Elyo omuya mu chipati ca 2, na, kampango ka 2, Ndila syoma mbo kabede, “Walo Wa kanana mazuba aya kuli ndiswe kwinda ku Mwana Wakwe.” Elyo, amulange, “Ziindi zyakale a mu ziyanza zyansininsini Wa kaamba kwinda ku basinsimi.” Twa kainda akujana obo basinsimi mbo bakabede, anzila Leza nja kaletela Mulumbe Wakwe kwinda ku basinsimi. “Pele mu buzuba obu bwamamanino Wa kanana kwinda mu Mwana Wakwe, Jesu, kwinda ku Muuya Uusalala. Wa kakanana kwinda mu basinsimi, mpawo.” Mpawo twa kajokela akujana kuti, boonse abo basinsimi baka jisi Muuya wa Kristo muli mbabo.

²⁶ Twa kajokela kuli Josefa akujana kuti wa kutondezya Kristo cakulondoka. Kajokela kuli Musa nkabela twa kajana kuti wakali kutondezya Kristo cakulondoka. Mpawo twa kaselemukila mpawo akwalo kuli Davida. Elyo cindi Davida naka kakwa mu Jerusalemu, mu kutaziba kaambo, pele waka tanta cilundu a kucebuka, aa Mulundu wa Olifa, a koomokela Jerusalemu nkaambo wa kakwa. Myaka ili myaanda ya lusele kuzwa awo, Mwana wa Davida waka kakwa mbuli Mwami, mu Jerusalemu, aku kkala a cilundu nciconya a koomoka. Oh, Muuya wa Kristo, kaubeleka a bagame!

²⁷ Lino, Paulo watalika, kwaamba kuti:

Nkikaako tweelede kupakamana cakusinizya ku zintu nzo twakamvwa, . . .

²⁸ Chipati ca 2, lino, twa talika.

Nkikaako tweelede kupakamana cakuzinizya ku zintu nzo twa kamvwa, kulesya . . . kufumbwa ciindi inga twa zilekezya.

²⁹ Oh, akube kuti Leza alete kumvwisya kuli eco mu cikombelo eci cifumo cino. Nda lombwa kuti Muuya Uusalala ulapa kumvugwa kuli ceeco kusakana loko mu myoyo yanu. “Twe elede kupa kupakamana cakusinizya loko ku zintu nzo twa kamvwa.” Ino musyobo wa bantu ngo tweelede kuba, cindi twa bona Jehova mupati kaseluka a kucita zintu Nzya cita a kuzibona ka zyeelana, Lugwalo ku Lugwalo, kuteeti nzya Bwini? Elyo tula kkala onse ziindizimwi mbuli zikoto aa citanda, akuta bikkila maanu maningi. Twe elede kupakasya, ciindi coonse, kusola kuleta bantu kuli Kristo. Twe elede kuba mabwe mankutwe. Ta tweelede kuba batolo mbuli mbo tubede. Tuyo unka ku cikombelo, nkabela tuyo bona Mwami Jesu kacita cintucimwi, na—na kutu longezya munzila ili boobo, elyo mpawo tuyo—tuyo jokela kubusena akuti “Muswaangano mubotu loko.”

³⁰ Lino, ku kambauka kwa Ijwi, twa kubotelwa, pele eco tacili cintu cipati. Tacili ncico. Ta tweelede kukomba Mwami kwamana buyo kukambauka Ijwi, aswebo mbuli mbo tucita

kanji, amu Mu kombe buyo. Eco ncibotuloko. Pele tweelede ku Mu komba mu oora lyoonse lya buumi bwesu. Twa nooli ku ncito, tweelede kuno Mu komba. Ciindi coonse eco coolwe calitondezya cini, amu mukombe Mwami kwinda ku Mu kumupeda bumboni.

Ikuti na mwabona, nywebo nobalindu, mwabona mwanakazi mu bulubizi, amukombe Mwami kwinda mukutola a kwaamba kuti, “Mucizi kuli buumi bubotu maningi kwiinda boobu.”

³¹ Nywebo nobaalumi ku ncito, cindi mwamvwa muntu kabelesya Zina lya Mwami mubuyo, amu jane cindi ku lubazu lumwi a kusobelesa okuya akumweenzya ku janza, a kuti, “Yebo, kuli buumi bubotu maningi kwinda boobu. To elede kubelesya majwi ayo.” Elyo kumwaambila mu bubombe, nzila ya buuya. Zyoonse zintu ezyo nkukomba.

Alimwi cindi wa bona umwi ucisidwe, nkabela dokotela waambakuti takukwe cintu cimbi cikonzya kucitwa, tweelede kukomba Mwami mu kubaambila kuti, “Kuli Leza waku Julu oyo uvwiila mupailo.”

³² Elyo mpawo cindi twa bona zintu ezyo kazicitika, ezyo nzo tubona kucitika a kucitwa, ta tweelede kulekela zintu ezi kusupuka. Tu cilekela buyo kwiinda mu minwe yesu. Elyo ndepenzi a mbungano mpati ya Pentekoste sunu. Ba lekela mbubonya bubotu bwa zisyango kusupuka kwinda mu minwe yabo, nkabela ba kali cijisi mu maanza abo. Pele, amulange nco bakacita, baka cita mbuli mabungano amwi. “Ba kanjila mu kwaka. . .mu nzila ya kukazya kwa Kora, a kuloba; a nzila ya Kaini, a kuloba mu kukazya kwa Kora.”

³³ Ba kabunganya. Mu busena bwakuba a bunyina oko toonse nko tukonzya kuba bomwe, ba kalibunganya beni. Kapanga tubunga tuniini a buzumini buniini, akuzyalwa kuzwa awo a kumwaya buyo bunyina. Alimwi ikuti na tamu langilili, ba Baptisti ba Presbyteria bayo cibweza, nkaambo, “Leza ula konzya ku mabwe aya kubusya bana kuli Abrahamu.” Elyo twa—twa kacilekela kusupuka kuzwa mu maanza kwinda muku takamantana.

³⁴ Mbobuti bama India mboba kasweekelwa cisi eci kuli bamakuwa? Nkaambo kakuti tiiba kakamantene. Ikuti niba kabamba cintu comwe cipati ciyandisi. . . Pele bakali kulwana muli cabo. Ni baka jata Masena abo ikuti ni bakaboola antomwe.

³⁵ Mbobuti mbo tuya ku sweekelwa? Nkaambo ta tukamantene. Mbobuti mbo tusweekelwa luzibo kuli Leza, nkaambo kakuti tula mwaya. Twa bamba yomwe, Methodist kwiita *eyi* kuti i—i Methodist, a *eyi* Baptisti, a *eyi* Assemblisi, a *eyi* ya Bumwi, a *eyi* i *cintucimwi cimbi*, a mbungano ya Leza, a Nazareni, Pilgrimu Holinessi. Tu upambula Mubili wa Kristo. Ta tweelede kuba bapambukene. Inga twa impana mu mizeezo, pele atube babunyina ba ku moyo mu moyo. Leza utu yanda kuba. Wa

kafwida Mbungano yoonse ya Leza. Alimwi ta tuyandi kuti katu pambukene.

Lino *tweelede kupakamana loko cakusinizya...*
kulesya *kuti kufumbwa ciindi tu zilekele kusupuka.*

Nkambo ikuti na ijwi lya kaambwa a baangelo lyakali tonkomene, . . .

³⁶ Mwa Li mvwa? “Ikuti na ijwi lya kaambwa a baangelo. . .” Lino, *angelo* walo “mutumwa.” I bbala *angelo* lyaamba “mutumwa.” Alimwi twa kazwaa kwiindamo, mu bbuku lya 1 awa, “Leza, mu ziindi zyakale a mu cianza cansininsini, wa kaamba ku matata kwinda ku basinsimi.” Abo bakali batumwa ba Leza. Alimwi bakali, ikuti na bakali batumwa ba Leza, bakali baangelo ba Leza. Ii mutumwa ngu angelo; na angelo walo mutumwa, mubwini.

³⁷ Ii mutumwa! Uli mutumwa, cifumo cino. Uli. . . Uli mutumwa wa makani mabotu na mutumwa wa makani mabi. Oh, sa tacili cibotu, kuziba kuti tuli bangambela kuti tuli baangelo, batumwa ba bubuke? Alimwi tuli batumwa ba Leza ku nyika ya zibi, kuteeti Kristo ula pona. Mu myoyo yesu, Ula pona. Mu myuuya yesu, Ula pona. Alimwi Ula tuleta kuzwa ku buumi bwaansi bwa zibi zyaabwaamu abukolwi, aku tusingwida mujulu, a ku tupa “aleluya” mu buntu bwesu, aku tubamba zilenge zipya. Tuli batumwa, baangelo ba Cipangano. Mbo cili cibotuloko!

³⁸ Elyo lino, mu Cizuminano Cakale, “Ikuti—ikuti na ijwi lya kaambwa a baangelo lyakali tonkomene,” eyo nzila mbo ceelede kululama. Mu Cizuminano Cakale, ijwi lya musinsimi kalitana kuyubululwa, lya keelede kulangwalangwa a kutondezegwa. Tiiba kali abbekebeke kuli ncico, mbuli mbo tubede sunu.

³⁹ Kuunka buyo a kuba amusyobo uli onse wa kunyanyamukwa, na cili conse, “Oh, bulemu kuli Leza, nce ncico!” Wa lubila.

I Bbaibbele lyakaamba, kuti, “Ku mazuba akumamanino, dyabulosi uya kukkopela Bunakristo, kutandila loko, kusikila kuyo cenga mbabonya Basale ikuti kula konzeka.” Mbo mbubo. Aboobo tweelede ku cisoлека.

⁴⁰ Elyo mbobuti mboba kacisoлека mu buzuba bwabo? Kuli Urimu Tamumi. I cisani cakaango ka Aroni, eco caka jisi mabwe muli ncico: samaragido, jaspi, diyamondi, rubbi, safire. Onse aya mabwe, ayo aiminina kuzyalwa kwa basikale aba bali kkumi ababili, akali mu cisani cakaango ka Aroni. Alimwi cindi musinsimi naka sinsima, nkabela oyo Mumuni uusetekene waka mweka kuli ncico, Leza wakati, “Obo Mbwini.” Pele, takukwe makani mbo cakali kuboneka kasimpe, if ikuti na tee cakamweka ali ceeco, tee bwakali Bwini. Aboobo, oyo Urimu Tamumi wa keenda a bupaizi obo.

41 Pele eli Bbaibbele ngu Urimu Tamumi wasunu. Alimwi cindi musinsimi asinsima, ceelede kumweka ncobeni antomwe a Bbaibbele. Mpawo, Leza ulati, mpawo Wa seluka a ku Ci tondezya.

42 Oh, mbobuti Mbwe konzya kulemya Leza sunu! Ndila yeeya kaindi cifumo cimwi ca Munsondo, citandila mbuli ceeci, cindi Ne kali kusiya cikombelo. Elyo nywebo nobantu mwakali koomoka a kundilomba kuta unka. Pele, cindi, ne Nda kakambauka ali Davida a Goliati, a mboya kulanganya inyika eyo itontola, ya tuncimwa yaamba kuti mazuba amaleele akamana.

43 Nda kati, “Kuli mubbabbani omwe, elyo mbo tuti mujaile buyo, bamwi babo bayooba acamba.” Elyo Mwami wakapa ceeco. Elyo mpawo kwakali Oral Roberts a Jagers, a bamwi, bakasomona Panga, elyo twa kamulwana sinkondo kuzwa mu nyika, kajala milomo yabo. Taba konzyi kwaamba kuti maleele ta citiki nkaambo ngaaya awa. Masimpe. Ijwi lya Leza Talimani. Lila mweka ali Urimu. Kamwekela aa Ijwi, oyo ngo Urimu Tamumi Wakwe. Elyo cindi wamweka ali Eelyo, wakali luleme.

Elyo kufumbwa umwi ubulide, ikuti na nduwe sizibi, uyanda kuziba nzila yaku futulwa, “Ko syoma Mwami Jesu Kristo.”

44 Sunu, tu jisi zintu zinji kapati nzo mweelede kucita. “Mweelede kuvununa mapeegi mapya. Mweelede kucita *eci* a kucita *eco*, kutegwa mu futulwe.”

Nda yeeya sintolongo muna Filipu, cindi oyu sintolongo naka buzya Paulo, “Ino Nde elede kucita nzi kuti ndifutuke?”

Inga waba nduwe na Ndime, ni twa kamwambila zintu nzya ta keelede *kuta* cita. “Weelede kuleka kunywa. Weelede kuleka kuuma kwanu kwanjuka, kuuma kwanu kwanjuka. Weelede kuleka *eci*. Weelede kuleke *ceeco*.”

Paulo taka mwaambila ceeco. Wa kamwaambila buyo nca *keelede* kucita. “Ko syoma Mwami Jesu Kristo, nkabela ula futuka.”

45 Lino, “Oyo uumvwa Majwi Angu akusyoma Oyo waka Ndi tuma uli jisi Buumi buteeli.” Oko nkumweka kwa Urimu Tamumi, Musalali Johane 5:24. “Ndime Mwami uuponya malwazi anu oonse.” Jakobo 5:14, “Amwiite baalu, ba bananike mafuta, kukomba kwa lusyomo kula vuna mulwazi.” I kumweka kwa Urimu. Mwabona? Eelyo ndi Ijwi lya Leza Litamani.

46 Ta ndikwe makani na mbanji buti batasyomi mukuba simajulu, batasyomi mu bukombi, batasyomi mu kaambo kambaakani mbuli cilenga, basikudonaika babuka. Leza uyo ima ku Ijwi Lyakwe. Wa kasyomezya kuti Uyo cicita.

47 “Elyo tweelede kupa kupakamana kunji kusinizize ku zintu ezi nzo twa kamvwa, kulesya kuti kufumbwa ciindi zitusupuka.

Nkambo ikuti na ijwi lya kaambwa a baangelo (basinsimi) lyakali tonkomene. . .” Mbwa kabede na? Inga twa mana mvwiki ali ceeci.

⁴⁸ Sa akali tonkomene cindi Musa nakaamba? [Mbunga yaamba, “Ameni.”—Mul.] Akali obo ncobeni.

Ino kujatikizya Eliya, kakkede atala lya mulundu? I Mwami waka mwaambila kuti, “Koya kutala, Eliya. Njo kkala okuya a nduwe; yanda luswaanano.” Leza ula luyanda luswaanano a bantu Bakwe. Pele ta tukaimi nji kwa ciindi cilamfu kuli Nguwe kuba a luswaanano a ndiswe. Tu jisi bubi loko kusotauka konse, kuzwa ku busena kuyaku busena, a kunji loko. “Ko kkalikila, Eliya.” Wa kali kuyanda luswaanano lwa myeezi yotatwe aili cisambomwe. Tula kacilwa ku Mu pa maminiti otatwe, naceya. Myaka yotatwe aili cisambomwe ya kuzumanana kwa luswaanano. Oh, Nda ciyanda eco! Kati, “Uta pengani amakani a kujika; tula cita eco ka cibambidwe kale. I bacikwaangala bayo kusanina. Elyo zintuzyonse ziyo lulama. Ndi yanda buyo luswaanano.” Oyu musinsimi mudaala, Eliya, kakkede atala lya mulundu, kuciindi nakali aluswaanano a Leza, baa, silutwe wakati, “Ndi syoma kuti Ndila tanta kuyo muleta.” Lino, uta soli kumwaya olo luswaanano.

⁴⁹ Aboobo, silutwe wakatanta, ampi yakwe mpati ya bantu, bali makumi osanwe. Elyo wa kati, “Nda—Nda—Nda boola kukutola, Eliya.”

⁵⁰ Elyo Eliya wakaimikila. Wakalangisya, ngooyu musinsimi wa Mwami! Wa kati, “Ikuti na Ndili mulanda wa Mwami, mulilo auloke kuzwa ku julu ukunyonyoone.” Elyo mulilo waka seluka. I silutwe wakati. . .

⁵¹ “Oh, muli cizyi cintu na?” I mwaami, mubwini, wakati, “Eco cakali antela ii—ii kudilima kwamvula lulabo lumwi lwaka indilila, nkabela lwa kabauma. Njo tuma bali makumi osanwe.”

⁵² Eliya wakaimikila, umwi wa baangelo, ijwi lyakwe lilitonkomene. Wa keelede kuba kuliya kwankoto iluleme ku zintuzyonse zya kalubizigwa mu kucitwa. Wa kati, “Ikuti na Ndili mulanda wa Mwami, auboole mulilo.” Elyo bali makumi osanwe ababili bakaumpwa. Yaa. Kuliya nkoto yoonse!

Nkambo ikuti na ijwi lyakaambwa aa baangelo lyakali tonkomene, a nsotoko yoonse a sikutamvwa wakatambula kuliya nkoto iluleme. . .

⁵³ Lino, nceeci cintu cipati, kampango katobela.

Mbobuti mbo tuya kuloboka, . . .

⁵⁴ “Mbobuti mbo tuya kuloboka?” Ikuti na jwi lya Eliya lyakaleta lunyonyooko, nkaambo wa kali angelo wa Mwami, mbobuti kai mbo tuya kuloboka cindi Jwi lya Kristo kaliindamo? Na, mbobuti mbo tukonzya kukakilwa cindi mwa kombelwa, ikuti na Ndi Jwi lya Kristo? Ikuti na Kristo wakasalila

Mbungano Yakwe kukombela baci swa, nkabela Mbungano yacita eco Nca kaamba kuti Uyo . . . kuli mbabo kucita, mpawo mbobuti Mbo ikozya kusola kukakilwa? Ta ikonzyi. Inga wakonzya kukakilwa, pele Ta konzyi kukakilwa. Alimwi kufumbwa kuti kamu Li bamba, Liyo muzwidilizya.

⁵⁵ Ikuti na mwakakilwa, mwakakilwa buya lwanu. Mwa kazwa nconzyo ku Ijwi. Pele kufumbwa kuti mwakkala a Ijwi, Tali konzyi kukakilwi. Nkaambo ijwi lya basinsimi lya kacita *boobu-a-boobu*, ino lila inda kunji buti Ijwi lya Kristo kuba?

Mbobuti mbo tuya kuloboka, ikuti na twa unduluzya lufutuko lupati; olo lwalo ku kusaangna kutalika kwaambwa kuli ndiswe kwinda ku Mwami, nkabela lyaka tondezegwa kuli ndiswe kwinda kuli mbabo baka mumvwa;

⁵⁶ Amu Li yeeye, lya kaambwa a Mwami. Nziindi zyongaye mbo tukonzya kujokela? Mpaali mpo tukonzya kwiimina, mpoonya awa aa oora? Cindi Jesu nakasika, Ngu mbobuca nguwenya sunu, amuya myaaka.

⁵⁷ Lino, amuyeeye, akasaanguna kutalika kwaambwa a Jesu, Mwini, elyo mpaawo lyaka tondezegwa kuli bamwi abo baka Mu mvwa. Lino amu Mu swiilile.

⁵⁸ Cindi Na kasika aa nyika, Ta kataminina kuba musilisi. Wa kati, “Nseli Ndime oyo ucita milimo; ngu Taata Wangu oyo ukkala muli Ndime. Ngu icita milimo. I Mwana takonzyi kucita cintu muli Lwakwe, pele eco Nca bona Taata kacita,” Musalali Johane 5:19.

⁵⁹ Amulangilile cindi Filipino nakasika kuli Nguwe. Nataniyeli . . . Kumane kusanduka Filipino, wa kainka kubusena akuyo leta Nataniyeli. Kati, “Boola, ubone Oyo ngo twa jana: Jesu waku Nazaleta, Mwana wa Josefa.”

⁶⁰ Elyo wa kati, “Sa inga kwaba cintu cimwi cizwa mu Nazareta?”

⁶¹ Kati, “Boola, ubone.” Eyo nje nzila ya kulamwa: ko Ci tondezya. Boola ubone. Oh, oko nko kubotu kapati Nkwe kasola kumvwa. Boola uzo libonene omwini. Uta imikili anze a kujana butongo aa munkali wambali, pele, “Amusoleke zintu zyonse, nkabela mujatisye kuli ceeco cili kabotu.” Boola ubone.

⁶² Ba keenda mu mugwagwa, kabaambaula. Cindi nakeenda mu Busyu bwa Mwami Jesu, Wa kati, “Amubone mu Israyeli muli nguwe mutakwe luuni.”

⁶³ Ca kakupulula lukanda kuzwa kuli nguwe, kutandila. Wa kalanga koonse, akuti, “Ee, Rabi, ndelili Noka sola ku ndiziba? Tona ndibona pe. Ino Wa ndiziba buti?” Filipino wakati . . .

⁶⁴ “Katana cindi nakwiita . . .” Kati, “Katana kwiita Filipino, jilo, cindi nokali kungsi lya samu lya bukuyu, Nda kakubona.” Amen.

65 Wa kati, “Yebo uli Mwana wa Leza. Yebo uli Mwaami wa Israyeli.”

66 Ii mwanakazi wakeenda mu Busyu Bwakwe, nkabela Wa kati, “Koya, kalete mulumi wako.”

Waa kati, “Nse jisi naba omwe.”

67 Kati, “Mbo mbubo. Uli jisi bosanwe, a oyo ngo pona awe lino tali wako. Wa amba kasimpe.” Amu ciyeeye.

68 Waa kati, “Munene, Nda kuziba kuti Uli Musinsimi. Kutu, tu lizi kuti cindi Mesiya akuboola Walo uzo twaambila zintu zyonse.”

69 Wa kati, “Nde Ndime, oyo ukanana kuli nduwe.”

70 Elyo waa kazuza a kuuyo ambila bantu ba munzi kuti, “Amuboole, mubone Muntu Oyo wandaambila zyonse Nze kacita. Sa oyu tali Mesiya?” Kwa kaambwa ku Mwami.

71 Ncinzi cakacitika? Jesu wakati, Walo katana kuzwa, “I zintu Nze cita, muyo zicita anywebo.” Mbo mbubo? [Mbunga yaamba, “Ameni.”—Mul.] “I zintu Nze cita muyo zicita anywebo, noziba ziinda kuli zeezyi, nkaambo Nda inka kuli Taata.” Oh, Nda konzya kubabona mbuli mbo bakaunka, kulikonse. Mark 16, “Baka unka kulikonse, kabakambauka; Mwami kabeleka a mbabo, kasimpikizya Ijwi.”

Elyo ngooyu, Paulo, kapu cintu nciconya. Wa kati i—i Makanimabotu akatalika kukambauka aa Jesu, nkabela akasimpikizigwa kuli ndiswe kwinda kuli baabo baka Mu mvwa. Elyo Ndibwe Iya Ntalisyo. Oh, lilelekwe Zina Iya Mwami! Elyo Ndibwe Iya Ntalisyo.

72 Elyo kuyeeya, myaka ili zyuulu zyuulo yakainda. Basikutasyoma mubukombi, a basikudonaika, a batasyomi mu kaambo kambaakani mbuli cilenga. Pele, sunu oyo nguwenya Jesu ulali simpikizya Ijwi Lyakwe mu ciyanza nciconya kwinda kuli baabo iba Mu mvwa. “Ku Mu mvwa,” ta caambi buyo kumvwa nkambauko. Eco caamba, ku *Mu mvwa*. Iiyi.

73 Mbobuti mbo tuya kuloboka? Kula ali kuloboka kwesu? Oh, yebo wati, “Alelekwe Leza, Ndi zulilwa ku mbungano ya Methodistia. Ndili muna Presbyteria. Ndili muna Pentekoste.” Eco ta cijisi cintu comwe cakucita a Ndilyo. Elyo muyanda kutantamuka akuyanda ku Liita kuti “bukombi bwamizimo na kukwabana kwa miyeeyo, na dyabulosi umwi,” na cintucimwi. Mause kuli mbabo!

74 “Ikuti na ijwi lyoonse lyakali tonkomene kwinda ku baangelo . . .” Jesu wakati, “Ta cili . . . Kaindi kaniini, nkabela inyika tiika Ndi boni limbi. Nekubaboobo, muyo Ndi bona, nkambo Njo oba andinywe, nomuba muli ndinywe, kusika kumamanino aa bukkalo.” Elyo cindi twa Mu bona kaseluka kuzumanana kusimpikizya Ijwi Lyakwe mbobuti mbo tuya kuloboka na twa gwasya mbungano imwi mu kufwaba kwayo,

na kabunga kamwi, kabungwe, na lwiiyo lumwi luniini lutakweankoluya lwesu tobeni? Ncibotu mwa lekezya. “Nkambo cibi coonse cakatambula kuliya nkoto iluleme kubwendelezi bwa baangelo, kulainda buti cindi Mwana wa Leza anokanana kuzwa ku Majulu, ku kutondezya Ijwi Lyakwe! Mbobuti mbo tuya kuloboka, ikuti na twa unduluzya lufutuko lupati boobu?” Oh, ma! “Leza awalo . . .”

Kampango ka 4:

Leza awalo kapa bumboni, . . .

⁷⁵ Amucilangilile eci. I Mwami wakapa bumboni. Oh, Ndili kkomene kapati kuli ceeco! I Mwami wakapa bumboni.

⁷⁶ Amulange. Cindi Eliya naka kkala aa cilundu, elyo wa kati, “Ikuti na Ndili muntu wa Leza, auloke mulilo kuzwa ku Julu aku munyonyoona.” Leza wakapa bumboni kuti wa *kali* muntu iwa Leza.

Leza lyoonse ulapeda bumboni. Buumi bwako buya kupa bumboni. Nse buzi bulunguluzi bwako mbo bubede, pele buumi bwako bula kanana kapati, jwi lyako tali konzyi kumvugwa. Pele, buponi bwako—bwako, buumi bwako bwa mazuba onse buya kulungulula mbobede. Leza ulapa bumboni. Iiyi. I Muuya Uusalala ncaando, alimwi caando cila bweza mabazu obilo aa pepa. Bala kubona koimvwi *awa* a kukubona kuyabuya. Kutali mu mbungano pele milimo ya mazuba onse. Uli namatikidwe ku mabazu obilo, mukati a anze. Ku lutangalo ndo jisi, uli namatikidwe, mukati a anze, kuteeti wa kafutulwa, ku buumi mbo pona, uli namatikidwe, mukati a anze, kuteeti ulizi kafutulwa, a inyika ilizi kuti waka futulwa, ku buumi mbo pona, nkambo Leza ulapa bumboni. Lilelekwé Zina Lyakwe Lisalala! Ma, Nda limvwa kuba sibukombi!

⁷⁷ Amu ciyeeye, bakwesu, awo. Oh! “Mbelele Zyangu zilalimvwa Jwi Lyangu, nkabela mweenzu tazika mutobeli.” Oh, obo mazina esu mbwaali mu matansyi aa Maanza Akwe! Lili kumbele Lyakwe, isikati a masiku. Ijwi Lyakwe lyoonse lili kumbele Lyakwe, Cisyomezyo Cakwe. Ta konzyi kuliluba. Alimwi Ula muyanda.

⁷⁸ Lino, Uya kupa bumboni Bwakwe mwini. To asamuni mulomo wako a kwaamba ijwi, inyika iyo ziba kuti cintucimwi cakacitika kuli nduwe.

. . . pa bumboni, ku zitondezyo a zigambyo, a ku maleele aindene, a zipego zya Muuya Uusalala, kweendelana ku luyando Lwakwe mwini?

⁷⁹ Atu bweze buyo Lugwalo lomwe lino katutana kujala; aa Buzuba bwa Pentekoste, cindi niba katambula Muuya Uusalala. Kutandila mazuba one akainda, Petro wakainda mu mulyango uutegwa Mubotu; walo a Johane. Ba kati, “Ko tulanga,” ku mwaalumi. Elyo wakati, “Nsiliva a ngolide Nse

jisi, pele cili obu Nce jisi Nda kupa. Mu Zina Iya Jesu Kristo waku Nazareta, konyamuka weenda.” Elyo mwaalumi waka lungumana akutabuzya cintu kujatikizya neico. Wa kaimikila buyo a kuunka keenda. Ba kali bantu buyo a bata kayiide. Pele Bbaibbele lyakati, “Ba kacita kupakamana kuli mbabo, nkambo bakalizi kuti bakali antomwe a Jesu.”

⁸⁰ Mukwesu, cindi inyika yaziba kuti wakali antomwe a Jesu, cindi wakonzya kupona buumi obo bunjoloma mu inyika eyi yabusyaasunu a mumudima oyu, cakuti inyika ilizi akuziba kuti wa kali antomwe a Jesu; cindi sibwaamu, wakaindi mubyaabi uugalankene wa mu tugwagwa kukonzya kuba mulindu, waka sanzigwa mu Bulowa bwa Kabelele; Leza kapa bumboni kuti ula pona.

⁸¹ Amubweze mukolwi, oyo uubaukide maningi unga weenda ku mukaintu wakwe a unga wapenzya bana bakwe, a kugusya cakulya kuzwa ku tafule, ku cibelesya kuli sibwaamu. Alekwe akaswaane Jesu ciindi cimwi. Muyo mubona kajokela, mbuli Legioni, oyo waka kkwene mu kuyeeya kwakwe a wakasamide, ku bavwanda bakwe a ku mukaintu wakwe a ku bayandwa bakwe. Nincobeni.

⁸² Ciindi cakainda, kutandila myaka ili makumi one yakainda, cindi bukombi bwa inyika nibwa kaswaana, alimwi bumwi bwandeene bwakaima a kukanana. Elyo muna Mohammedi nakali kukananina bukombi buna Mohammedi. Ibana Jeini kukananina ba Jeini; muna Buddhisti bwa Buddha. Elyo cindi mwiiyi muniini, Nda liluba zina lyakwe Iya mamanino mbo lyakabede, ku ciindi buyo eci. Nda kalilizi zina lyakwe, pele Nda liluba. Wa kakanana kwiiminina Bunakristo. Elyo wakaamba kaano ka Mulindu Maccabee waku Oklahoma, mu America.

Waa kali musofwi loko a wakaubaukide kapati, kusikila akwalo cindi niba kaunka kuyo mujaya, tiiba kakonzya akwalo kubikka maanza abo ali nguwe, waa kali mubbi a mubyaabi kapati. Ba kamwaangilide mulandu: kufweba mindundu; kweenzya cikocikala ca mbizi; a kutyola i—i—i milao, kwiindilila mu Oklahoma, cindi na kanda mu kagwagwa, keenzya zipani zybile zya mbizi. Elyo waa kali mubyaabi loko a simatombe loko kusikila bantu tiiba kakonzya kusika muni mwa kabede; maningi, mane cindi basikujaya nibakali kwiinda kuyo mujaya, teeba kakonzya ku mwaangilila mujulu. Ba katila buyo taala a mapepe ali nguwe, kuti bamujaye.

Elyo cindi oyu mukambausi muniini nakapa kaano kakwe, munzila eyo, kusikila wakacitya bantu kukkala kumamanino a zyuuno zyabo, kaba swiilila eco cakali kunotobela. Ciindi nakaselemuka kuli ceeco: bubbi loko, sitombe, uubaukide, kusikila mila ayalo tii yakayanda kweenwa kuli nguwe, waa kali uubaukide kapati. I dyabulosi nguwenya wa gehena inga wamukaka muntu uli boobo, kutandila, nzila mbwa kaamba

kaano. Mpawo wa kati, “Nobalombwana ba bukombi bwa inyika, sa bukombi bwanu buli jisi cimwi cinga casalazya maanza aa Mulindu Maccabee?”

⁸³ Bantubonse bakakkala zii. Mpawo wa kakamba maanza akwe antomwe akusotokela mujulu. Wa kati, “Bulemu kuli Leza! I Bulowa bwa Jesu Kristo tabu kasalazyi biyo maanza akwe, pele bayo salazya moyo wakwe aku mubamba Nabwiinga Wakwe.” Nda mwaambila:

Luzyalo lugambya! obo mbo lumvwika kabotu,
Olo lwa kafutula mupenzi mbuli ndime!
Nda kali sweekede ciindi cimwi, pele lino Nda
kajanwa,
Nda kali moofu, pele lino Ndila bona.

Nduzyalo lwa ka yiisya moyo wangu kuyooowa,
Lwa kali luzyalo kwaangulula buyoofu
bwangu;
Obo cabubotu olo luyandisyo nilwa kalibonya
I oora Ne kasyoma lutaanzi!

⁸⁴ Nincobeni. “Mbobuti mbo tuya kuloboka, ikuti na twa unduluzya olo?” Wa unduluzya kulya, uya kufwa. Wa unduluzya kkona, uyo nyonyauna. Wa unduluzya kukama ng’ombe, uyo unka cinkwamaanza. Wa unduluzya meno ako, uyo abamba kugusigwa oonse. Nincobeni. Uyo kubbadelela kuunduluzya kwako.

⁸⁵ O Cikombelo ca Branham anywebo nobaswayi, andi mwaambile cintucimwi lino. Wa unduluzya kupa bumboni bwa bulemu bwa Leza, mwa unduluzya kupa Leza kulumbauzya a bulemu, muyo lijana kutontola, basikalengwa, a bakawa, bumwi bwa mazuba aya. Kamu lumbaizya Leza. “Mbobuti mbo tuya kuloboka, ikuti na twa unduluzya lufutuko lupati boobo?”

⁸⁶ Kwaba kumuka. Nda citika kubona buyo Mukwesu Thom, oyo weenda kusule okuya. Tula jala aku zumanana sunumasiku, na Mwami wayanda.

Atu kombe asyoonto buyo.

⁸⁷ Taata wesu Wakujulu, kube zilongezyo kuli Nduwe, a kulumbaizya, a lulemeko a bulemu, a busongo, a bukozu a nguzu, kwa lyonse a lyonse. Oh, kuli Kabelele oyo uukkede aa Cuunocabwami, malelo, a mami a zintuzyonse zyaka pegwa ku janza Lyakwe. Cindi Na kabuka kuzwa ku bafu, ku kululamikwa kwesu, Wa koompolola ku inyika, “Zyoonse nguzu ku Julu a nyika zya bikkwa mu Janza Lyangu. Kamuya nywebo, aboobo, mu inyika yoonse akuyo kambauka Makanimabotu.”

O oyandwa Kabelele uli mukufwa, Bulowa
Bwako buyandisi,
Tabu sweekelwi nguzu zya Mbubo,

Mane yoonse Mbungano ya Leza yaka
bbadelelwa
I kafutulwe, iita bisya limbi.

⁸⁸ Kotu gwasya, mbuli bakutausi, mu kubona kuti tula yandisya kapati; obo mbo tweelede kuba a mbungano, twe elede kuba a *ceeci*, twe elede kuba a zintuzyonse.

⁸⁹ Bamanakazi besu, kabatana kuya ku mbungano, nekubaboobo kabaliita beni kuti Mbanakristo, tuya kuyandikana kuba a musyobo umwi wa madreesi na kusama cabulondo maningi.

A bakambausi bayo yandikana kuba a mali ali boobu kabatana kuya kuboola, a zintuzyonse zyelede kuba *boobu-a-boobu*.

⁹⁰ O Kristo, cindi Ne kabala awa, “Obo mbo bakatuntulika konse, mu zikutu zyambelele a zikutu zyampongo, bakapona mu malyango aa nyika a mpangala.” Ba katuntulika koonse, kungsi lya kupenzegwa kubbi, alimwi, nekuba, baka jana Lusyomo, kungsi lya mulimo wa baangelo. Mbobuti mbo tuya kuloboka, kakuli Mwami Jesu waka tupa maanda mabotu, a myootokala, a zisani, a zyakulya? Tula ng’untauka. Tula kkala konse. Tuli batolo. Ta tusoli kuya kumasena akuyo cita cintucimwi kujatikizya ncico. Mbobuti mbo tuya kuloboka, Leza?

⁹¹ Oh, Nda komba kuti Uka umpe kulamwa kwa cianza cakaindi mu moyo aumwi, cifumo cino, Mwami, kutegwa bantu bapakamana a kucicita. Atu beleke kuciindi mumuni wasikati noubala, nkaambo zuba lili mukubbila cakubinda. Alimwi lusumpuko luyabuya, nkabela taku cikabi limbi ciindi. Ciyu yabaalila mu Butamani.

⁹² O Leza, kopa sunu kuti twiinke a cilengaano cipya, a busongo, a kumvwisya, kuziba nzila ya kulanganya basizibi akubaleta muli Kristo. Komvwa mupailo wa mulanda Wako, Mwami.

⁹³ Nda lomba, ikuti na kuli umwi awa, oyo utamuzi Kristo mbuli Mufutuli wabo walombwa utambike janza lyako a kuti, “Kondi yeeya, Mukwesu Branham”? Walombwa utambike buyo janza lyako, kwaamba kuti, “Kondi yeeya. Ndi yanda kuba Munakristo. Ta ndiyandi ku cuunduluzya ciindi cimbi”? Leza aku longezye, kusule okuya, munene. Umwi umbi? Wati, “Ndi yanda kutambika janza lyangu, Mukwesu Branham. Alimwi Ndi yanda kutambula Kristo, mbuli Mufutuli wangu, Nda kaunduluzya, ciindi conse. Oh, Ndila unka ku mbungano, masimpe, Ndi zulilwa ku mbungano.”



BAHEBRAYO, CHIPATI CABILI 1 TNG57-0825M
(Hebrews, Chapter Two 1)

MATOBELANWA AA BBUKU LYA BAHEBRAYO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Ivwivwi 25, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org